

{ 次 目 七 辰 }

○佛本行集經

自第一卷

至第二十卷



目錄新作

佛說本行集經目錄

卷第一 發心供養品第一

卷第二 發心供養品中

卷第三 發心供養品下 受決定記品第二上

卷第四 受決定記品下 賢劫王種品第三上

卷第五 賢劫王種品下 上託兜率品第四上

卷第六 上託兜率品下

卷第七 俯降王宮品第五 樹下誕生品第六上

卷第八 樹下誕生品下 從園還城品第七

卷第九 從園還城品下 相師占看品第八上

卷第十 相師占看品下 私陀問瑞品第九

卷第十一 姨母養育品第十 習學技藝品第十一

卷第十二 遊戲觀矚品第十二 摘術爭婚品第十三上

卷第十三 摘術爭婚品下 常飾納妃品第十四上

卷第十四 常飾納妃品下 空聲勸厭品第十五 出逢老人品第十六

卷第十五 淨飯王夢品第十七 道見病人品第十八 路逢死屍品第十九 耶輸陀羅夢品第二十上

卷第十六 耶輸陀羅夢品下 捨宮出家品第二十一上

卷第十七 捨宮出家品下 剃髮染衣品第二十二上

卷第十八 剃髮染衣品下 車匿等還品第二十三上

卷第十九 車匿等還品中

卷第二十二 車匿等還品下 觀諸異道品第二十四 王使往還品第二十五上

卷第二十一 王使往還品下 問阿羅邏品第二十六上

卷第二十二 問阿羅邏品下 答羅摩子品第二十七 勸受世利品第二十八上

卷第二十三 勸受世利品中

卷第二十四 勸受世利品下 精進苦行品第二十九上

卷第二十五 精進苦行品下 向菩提樹品第三十上

卷第二十六 向菩提樹品中

卷第二十七 向菩提樹品下 魔怖菩薩品第三十一上

卷第二十八 魔怖菩薩品中

卷第二十九 魔怖菩薩品下 菩薩降魔品第三十二上

卷第三十 菩薩降魔品下 成無上道品第三十三

卷第三十一 昔與魔競品第三十四 二商奉食品第三十五上

卷第三十二 二商奉食品下 梵天勸請品第三十六上

卷第三十三 梵天勸請品下 轉妙法輪品第三十七上

卷第三十四 轉妙法輪品下 耶輸陀因緣品第三十八上

卷第三十五 耶輸陀因緣品下

卷第三十六 耶輸陀宿緣品第三十九

卷第三十七 富樓那出家品第四十 那羅陀出家品第四十二上

卷第三十八 那羅陀出家品下 娑毗耶出家品第四十二上

卷第三十九 娑毗耶出家品下 教化兵將品第四十三上

卷第四十 教化兵將品下 迦葉三兄弟品第四十四上

卷第四十一 迦葉三兄弟品中

卷第四十二 迦葉三兄弟品下 優波斯那品第四十五上

卷第四十三 優波斯那品下

卷第四十四 布施竹園品第四十六

卷第四十五 布施竹園品下 大迦葉因緣品第四十七上

卷第四十六 大迦葉因緣品中

卷第四十七 大迦葉因緣品下 跋陀羅夫婦因緣品第四十八 舍利目連因緣品第四十九上

卷第四十八 舍利目連因緣品下

卷第四十九 五百比丘因緣品第五十 斷不信人行品第五十一 說法儀式品第五十二上

卷第五十 說法儀式品下 尸棄佛本生地品第五十三上

卷第五十一 尸棄本生品下

卷第五十二 優佗夷因緣品第五十四上

卷第五十三 優佗夷因緣品下 優波離因緣品第五十五上

卷第五十四 優波離因緣品中

卷第五十五 優波離因緣品下 羅睺羅因緣品第五十六上

卷第五十六 羅睺羅因緣品下 難陀出家因緣品第五十七上

卷第五十七 難陀因緣品下 婆提唎迦等因緣品第五十八上

卷第五十八 婆提唎迦等品中

卷第五十九 婆提唎迦等因緣品下 摩尼婁陀品第五十九上

卷第六十 摩尼隻陀品下 阿難因緣品第六十
佛本行集經目錄終

佛本行集經第一

隋天竺三藏闍那崛多譯

麗宜宋令元令明父

發心供養品第一

歸命大智海毘盧遮那佛

譯號藏下三本俱有法師二字以下皆同○品目一下明有之一二字○品目次行三本俱有北天竺建達國婆羅門沙門闍那崛多十五字及夾註此言德志四字

如是我聞。一時婆伽婆住王舍城迦蘭陀鳥竹林之內。與大比丘僧五百人俱。爾時如來住於佛行。無復煩惱。故名者那。得一切智。行一切智。知一切智。住於天行。住於梵行。住於聖行。心得自在。依諸世尊。欲行諸行。悉皆得行。在於比丘及比丘尼。諸優婆塞及優婆夷。四眾之中。受大供養。恭敬尊重。又諸國王大臣宰相種種外道。及諸沙門婆羅門等。佛得如是種種利養。飲食衣服牀鋪湯藥。四事充滿。皆悉具足。最勝最妙。無與等者。智慧第一。名稱遠聞。雖受利養。而心無染。猶如蓮華。不著於水。世尊名號。說法音聲。於世間中最上最勝。更無過者。如是世尊多陀阿伽度阿羅訶三藐三佛陀。十號具足。能於現在天魔梵釋沙門婆羅門等。一切天人世間之中。神通遍知。知已說法。行於世間。前後及中。言語皆善。文義巧妙。理趣精微。相好莊嚴。具足無缺。清淨梵行。宣揚顯說。爾時尊者大目犍連。於晨朝時。整衣持鉢。入王舍城。欲行乞食。時目犍連。獨立思惟。今日晨朝。乞食尚早。我今先當至淨居天。尊者目連。作是念已。譬如力士屈伸臂。頃從王舍城。沒身不現。至於淨居諸天宮所。忽然立住。爾時無量淨居諸天。既見目連安庠而至。心生歡喜。各相謂言。我等今者可共往迎尊者目連。是語已。相隨至於目犍連所。頭面頂禮。目犍連足。却住一面。白目連言。尊者目連。希有希有。尊者目連。於世間中。難見難值。謂佛世尊多陀阿伽度阿羅訶三藐三佛陀。於無量百千萬劫。勤修諸行。而說偈言。

於百千劫中 勤求菩提道 過於多時來 衆生中大寶 世間難見者 唯有佛世尊

座明作詳
目下宋無捷字

議二本俱作說

授同作受下同
○別同作煎下

爾時尊者大目犍連從淨居天聞是偈已遍體戰慄身毛皆豎而作是念希有希有不可思議難見難值謂佛世尊多
 陀阿伽度阿羅訶三藐三佛陀世間難逢無量百千萬億劫中時一出現爾時尊者大目犍連於淨居天為彼天眾說
 無量種微妙之法顯現無量清淨法義宣通無量深密法要令諸天心各生歡喜教化顯示尊重法已即沒身迴此閻
 浮提譬如力士屈臂還舒一念之頃到王舍城次第乞食還至本處飯食訖收衣鉢洗足已詣於佛所到佛所已頂禮
 佛足却坐一面復自坐已向佛而說所行來處世尊我且乞食到王舍城便至首陀婆娑天上天語我言如來世尊於
 世間中難見難值如前所說具白佛言世尊我聞如是希有語已實難思議所謂諸佛多陀阿伽度阿羅訶三藐三佛
 陀於無量百千劫中時一出世爾時佛告目犍連言目犍連淨居諸天少知少見以狹劣智乃能得知百千劫事所以
 者何目犍連我念往昔於無量無邊諸世尊所種諸善根乃至求阿耨多羅三藐三菩提目犍連我念往昔作轉輪聖
 王身值三十億佛皆同一號號釋迦如來及聲聞眾尊重承事恭敬供養四事具足所謂衣服飲食臥具湯藥時彼諸
 佛不與我記汝當得阿耨多羅三藐三菩提及世間解天人師佛世尊於未來世得成正覺目犍連我念往昔作轉輪
 聖王身值八億諸佛皆同一號號然燈如來及聲聞眾尊重恭敬四事供養所謂衣服飲食臥具湯藥幡蓋華香時彼
 諸佛不與我記汝當得阿耨多羅三藐三菩提及世間解天人師佛世尊目犍連我念往昔作轉輪聖王身值三億諸
 佛皆同一號號弗沙如來及聲聞眾四事供養皆悉具足時彼諸佛不與我記汝當作佛如上所說目犍連我念往昔
 作轉輪聖王身值九萬諸佛皆同一號號迦葉如來及聲聞眾四事供養皆悉具足乃至不與我授記別當得作佛如
 上所說目犍連我念往昔作轉輪聖王身值六萬諸佛皆同一號號燈明如來及聲聞眾四事供養皆悉具足乃至不
 與我授記別當得作佛如上所說目犍連我念往昔作轉輪聖王身值一萬八千諸佛皆同一號號娑羅王如來
 及聲聞眾四事供養皆悉具足然後出家作如是念為未來世當得佛道護持禁戒時彼諸佛不與我記乃至作佛如
 上所說目犍連我念往昔作轉輪聖王身值一萬諸佛皆同一號號能度彼岸如來及聲聞眾四事供養皆悉具
 足乃至不與我授記別當得作佛目犍連我念往昔作轉輪聖王身值一萬五千諸佛皆同一號號日如來及聲
 聞眾四事供養皆悉具足乃至不與我授記別當得作佛目犍連我念往昔作轉輪聖王身值二萬諸佛皆同一

思三本俱作思
下同

號號僑陳如如來及聲聞衆四事供養皆悉具足乃至不與我授記別當得作佛目捷連我念往昔作轉輪聖王身曾
供養六千諸佛皆同一號號龍如來及聲聞衆四事供養皆悉具足乃至不與我授記別當得作佛目捷連我念往昔
作轉輪聖王身曾供養一千諸佛皆同一號號紫幢如來及聲聞衆四事供養皆悉具足乃至不與我授記別當得作
佛目捷連我念往昔作轉輪聖王身曾供養五百諸佛皆同一號號蓮花上如來及聲聞衆四事供養皆悉具足乃至
不與我授記別當得作佛目捷連我念往昔作轉輪聖王身曾供養六十諸佛皆同一號號螺髻如來及聲聞衆四
事供養皆悉具足乃至不與我授記別當得作佛目捷連我念往昔作轉輪聖王身曾供養一佛號正行如來及聲聞
衆四事供養皆悉具足彼佛亦不與我授記當得阿耨多羅三藐三菩提及明行足一切世間解目捷連我念往昔曾
供養八萬八千億辟支佛幡蓋香華四事具足乃至彼佛滅度之後爲起塔廟供養如前而不與我授於記別汝當得
阿耨多羅三藐三菩提目捷連我念往昔有一如來號曰善思多陀阿伽度阿羅訶三藐三佛陀於彼佛所彌勒菩薩
最初發心種諸善根求阿耨多羅三藐三菩提時彌勒菩薩身作轉輪聖王名毘盧遮那爾時人民壽八萬歲目捷連
彼善思如來初會說法九萬六千億人得阿羅漢道第二會說法八萬四千億人得阿羅漢道第三會說法七萬二千
億人得阿羅漢道目捷連彼毘盧遮那轉輪聖王供養於彼善思如來及聲聞衆恭敬尊重幡蓋花香四事具足目捷
連時毘盧遮那轉輪聖王見彼如來具足三十二大人相八十種好及聲聞衆佛刹莊嚴壽命歲數即發道心自口稱
言希有世尊願我當來得作於佛十號具足還如今日善思如來爲於大衆聲聞人天恭敬圍繞聽佛說法信受奉行
一種無異彌勒又言願我當來爲多衆生作諸利益施與安樂憐愍一切天人世間目捷連彌勒菩薩在於我前四十
餘劫發菩提心而我然後始發道心種諸善根求阿耨多羅三藐三菩提目捷連我念往昔有一佛名示誨幢如來目
捷連我於彼佛國土之中作轉輪聖王名曰牢弓初發道心種諸善根求阿耨多羅三藐三菩提我時供養彼佛世尊
滿一千年及聲聞衆恭敬尊重禮拜讚歎四事充足持五百具妙好衣裳一時布施乃至彼佛般涅槃後起舍利塔高
一由旬廣半由旬七寶莊嚴所謂金銀琉璃瓊赤真珠等車渠馬瑙而以掇飭復持種種幡蓋幢鈴香花燈燭以用
供養目捷連我設如是諸供養已晝夜精勤發廣大誓願於當來得作佛時有諸衆生不孝父母不敬沙門及婆羅門

乃同作及

坐元明俱作住

倦三本俱作倦

不識家內親疎尊卑無信敬心不信三世因緣業果不信現在有於聖人無一法行唯行貪欲瞋患愚癡具足十惡唯造雜業無一善事願我於彼世界之中當得阿耨多羅三藐三菩提憐愍彼等諸衆生故說法教化作多利益救護衆生慈悲拔濟令離諸苦安置樂中爲彼天人廣說於法目捷連諸佛如來有是苦行希有之事爲諸衆生目捷連諸菩薩等凡有種種微妙性行何等爲四一自性行二願性行三順性行四轉性行目捷連云何名爲自性行若諸菩薩本性已來賢良質直順父母教信敬沙門及婆羅門善知家內尊卑親疎知已恭敬承事無失具足十善復更廣行其餘善業是名菩薩自性行云何名爲願性行若諸菩薩發如是願我於何時當得作佛阿羅訶三藐三佛陀十號具足是名菩薩願性行云何名爲順性行若諸菩薩成就具足六波羅蜜何等爲六所謂檀波羅蜜乃至般若波羅蜜是名菩薩順性行云何名爲轉性行如我供養燃燈世尊依彼因緣讀誦則知是名菩薩轉性行目捷連是名菩薩四種性行爾時世尊在舍衛國祇樹給孤獨園以得作佛住於佛行畧說如上時佛食訖七日入定念於往昔諸佛世尊多陀阿伽度阿羅訶三藐三佛陀爾時阿難過七日後詣於佛所頂禮佛足却坐一面白佛言世尊希有如來身體清淨而色巍巍如我前見今復倍常光明增盛世尊諸根無量寂靜坐何三昧念何法相爾時世尊告阿難言如是阿難如汝所說多陀阿伽度阿羅訶三藐三佛陀若入定住念於往昔諸佛如來得大自在神通智已欲住一劫若減一劫念百千億諸佛智慧而如來智無有障礙何以故如來以具諸佛智慧度彼岸故阿難如來一食訖已或住一劫或減一劫欲住多少隨意自在無有疲倦何以故如來具得諸佛三昧度於彼岸諸三昧中此最爲勝佛告阿難我念往昔無量無邊阿僧祇劫時世有佛號帝釋幢多陀阿伽度阿羅訶三藐三佛陀能爲一切無量衆生作歸依處能爲衆生作慈悲宅善能憐愍一切衆生能與一切衆生安樂有大威德無量聖衆前後圍繞阿難彼帝釋幢如來有五百億諸聲聞衆悉皆得證阿羅漢果壽五千歲彼帝釋幢如來授一菩薩記次當作佛號上幢如來阿難彼上幢如來復授一菩薩記次當作佛號幢相如來阿難彼幢相如來復授一菩薩記次當作佛號喜幢如來阿難彼喜幢如來復授一菩薩記次當作佛號十幢如來阿難彼十幢如來復授一菩薩記次當作佛號難伏幢如來阿難彼難伏幢如來復授一菩薩記次當作佛號明燈如來阿難彼明燈如來復授一菩薩記次當作佛號善明燈如來阿難彼善明燈如來復授一菩薩

七元明俱作十

記。次當作佛號建立如來。阿難。彼建立如來。復授一菩薩記。次當作佛號善建立如來。阿難。彼善建立如來。復授一菩薩記。次當作佛號龍仙如來。阿難。彼龍仙如來。復授一菩薩記。次當作佛號無比威德如來。阿難。彼無比威德如來。復授一菩薩記。次當作佛號聖所生如來。阿難。彼聖所生如來。復授一菩薩記。次當作佛號妙勝如來。阿難。彼妙勝如來。復授一菩薩記。次當作佛號仙勝如來。阿難。彼仙勝如來。復授一菩薩記。次當作佛號普陰如來。阿難。彼普陰如來。復授一菩薩記。次當作佛號預相如來。阿難。彼預相如來。復授一菩薩記。次當作佛號上於如來。阿難。彼上於如來。復授一菩薩記。次當作佛號自境界如來。阿難。彼自境界如來。復授一菩薩記。次當作佛號無等如來。阿難。彼無等如來。復授一菩薩記。次當作佛號拘留孫如來。阿難。彼拘留孫如來。復授一菩薩記。次當作佛號大光明如來。阿難。彼大光明如來。復授一菩薩記。次當作佛號離憂如來。阿難。彼離憂如來。復授一菩薩記。次當作佛號捨洪水如來。阿難。彼捨洪水如來。復授一菩薩記。次當作佛號大力如來。阿難。彼大力如來。復授一菩薩記。次當作佛號至彼岸如來。阿難。彼至彼岸如來。復授一菩薩記。次當作佛號日如來。阿難。彼日如來。復授一菩薩記。次當作佛號寂滅如來。阿難。彼寂滅如來。復授一菩薩記。次當作佛號大震聲如來。阿難。彼大震聲如來。復授一菩薩記。次當作佛號自王如來。阿難。彼自王如來。復授一菩薩記。次當作佛號寶王如來。阿難。彼寶王如來。復授一菩薩記。次當作佛號微妙如來。阿難。彼微妙如來。復授一菩薩記。次當作佛號梵音如來。阿難。彼梵音如來。復授一菩薩記。次當作佛號功德生如來。彼功德生如來。有七十億聲聞弟子。皆悉證於阿羅漢果。其佛壽命。足七萬年。般涅槃後。正法住世。滿三千歲。阿難。彼功德生如來。復授一菩薩記。次當作佛號龍觀如來。彼龍觀如來。得菩提已。爲諸衆生。住世一劫。阿難。彼龍觀如來。復授一菩薩記。次當作佛號無畏上如來。阿難。彼無畏上如來。復授一菩薩記。次當作佛號龍上如來。阿難。彼龍上如來。復授一菩薩記。次當作佛號天德如來。阿難。彼天德如來。復授一菩薩記。次當作佛號身上如來。阿難。彼身上如來。復授一菩薩記。次當作佛號無比月如來。阿難。彼無比月如來。復授一菩薩記。次當作佛號因上如來。阿難。彼因上如來。有一千六百聲聞弟子。皆阿羅漢。阿難。彼因上如來。復授一菩薩記。次當作佛號紫上如來。阿難。彼紫上如來。復授一菩薩記。次當作佛號多伽羅尸棄如來。阿難。彼多伽羅尸棄如來。復授

三三本俱作五

一菩薩記。次當作佛號蓮花上如來。阿難。彼蓮華上如來。復授一菩薩記。次當作佛號憍陳如如來。阿難。彼憍陳如如來。同名號者有一百佛。所住之劫名小蓮花。彼憍陳如如來。各各皆有三百億衆。聲聞弟子皆阿羅漢。彼諸如來。一住壽各三百歲。佛涅槃後。正法住世。亦三百歲。阿難。其最後憍陳如如來。復授一菩薩記。次當作佛號栴檀如來。阿難。彼栴檀如來。復授一菩薩記。次當作佛號明燈如來。阿難。彼明燈如來。復授一菩薩記。次當作佛號利益如來。阿難。彼利益如來。復授一菩薩記。次當作佛號善德如來。彼善德如來。以佛眼觀一切衆生。爲欲憐愍諸衆生。故不斷佛種。住世千劫。彼善德如來。多陀阿伽度阿羅訶三藐三佛陀。有三十二億那由他聲聞弟子。皆阿羅漢。阿難。彼善德如來。復授一菩薩記。次當作佛號明星如來。阿難。彼明星如來。復授一菩薩記。次當作佛號護世知足如來。彼護世知足如來。過於無量那由他劫。然後作佛。阿難。彼護世知足如來。有二十億聲聞弟子。皆阿羅漢。阿難。彼護世知足如來。復授一菩薩記。次當作佛號尸棄如來。阿難。彼尸棄如來。成佛之處。劫名蓮華。於彼劫內。同號尸棄多陀阿伽度阿羅訶三藐三佛陀。有六十二次第得佛。阿難。其尸棄如來。最在於後。得菩提者。復授一菩薩記。次當作佛號出生如來。阿難。彼出生佛多陀阿伽度阿羅訶三藐三佛陀。憐愍一切諸衆生。故住世教化滿二千劫。阿難。彼出生如來。復授一菩薩記。次當作佛號善目如來。阿難。彼善目如來。復授一菩薩記。次當作佛號商主如來。阿難。彼商主如來。復授一菩薩記。次當作佛號善生如來。阿難。彼善生佛多陀阿伽度阿羅訶三藐三佛陀。壽命少時。唯住一日。於其中間。教化八萬四千聲聞。悉皆令得阿羅漢果。阿難。彼善生如來。復授一菩薩記。次當作佛號梵德如來。阿難。彼梵德如來。有三十二億聲聞弟子。皆阿羅漢。彼梵德如來。般涅槃後。正法住世滿三萬歲。阿難。彼梵德如來。復授一菩薩記。次當作佛號青蓮花如來。阿難。彼青蓮華如來。復授一菩薩記。次當作佛號善見如來。阿難。彼善見佛多陀阿伽度阿羅訶三藐三佛陀。有三千億聲聞弟子。皆阿羅漢。阿難。彼善見如來。復授一菩薩記。次當作佛號見真諦如來。阿難。彼見真諦如來。復授一菩薩記。次當作佛號根如來。阿難。彼根如來。復授一菩薩記。次當作佛號紫色如來。阿難。彼紫色如來。復授一菩薩記。次當作佛號爲他如來。阿難。彼爲他如來。復授一菩薩記。次當作佛號南斗宿如來。阿難。彼南斗宿如來。復授一菩薩記。次當作佛號娑羅如來。阿難。彼娑羅如來。復授一菩薩記。次當作佛號主領如來。阿難。彼主領如來。復授一菩薩記。次

當作佛號大主領如來。阿難。彼大主領如來。復授一菩薩記。次當作佛號智勝如來。阿難。彼智勝如來。復授一菩薩記。次當作佛號普賢如來。佛本行集經卷第一

佛本行集經卷第二

隋天竺三藏闍那崛多譯

〔麗宜〕〔宋令〕〔元令〕〔明父〕

發心供養品中

品目中四字作第一之二四字

阿難。彼普賢如來。復授一菩薩記。次當作佛號月如來。阿難。彼月如來。復授一菩薩記。次當作佛號分陀利如來。阿難。彼分陀利如來。復授一菩薩記。次當作佛號無垢如來。阿難。彼無垢如來。復授一菩薩記。次當作佛號證我如來。阿難。彼證我如來。復授一菩薩記。次當作佛號大雨如來。阿難。彼大雨如來。復授一菩薩記。次當作佛號無畏如來。阿難。彼無畏如來。復授一菩薩記。次當作佛號自光明如來。阿難。彼自光明如來。復授一菩薩記。次當作佛號大力如來。阿難。彼大力如來。復授一菩薩記。次當作佛號日如來。阿難。彼日如來。復授一菩薩記。次當作佛號秋光如來。阿難。彼秋光如來。復授一菩薩記。次當作佛號熱光如來。阿難。彼熱光如來。復授一菩薩記。次當作佛號相如來。阿難。彼相如來。復授一菩薩記。次當作佛號無比如來。阿難。彼無比如來。復授一菩薩記。次當作佛號勝上如來。阿難。彼勝上如來。復授一菩薩記。次當作佛號身上如來。阿難。彼身上如來。復授一菩薩記。次當作佛號無處畏如來。阿難。彼無處畏如來。復授一菩薩記。次當作佛號化如來。阿難。彼化如來。復授一菩薩記。次當作佛號寂定如來。阿難。彼寂定如來。復授一菩薩記。次當作佛號勝王如來。阿難。彼勝王如來。成佛之處。其劫名賢。有三百佛皆同一號。號勝王如來。阿難。彼勝王如來。最在後佛。復授一菩薩記。次當作佛號一切事見如來。阿難。彼一切事見如來。有三億衆聲聞弟子。皆阿羅漢。阿難。彼一切事見如來。復授一菩薩記。次當作佛號無憂如來。阿難。彼無憂如來。復授一菩薩記。次當作佛號龍上如來。

轉三本俱作傳

阿難彼龍上如來復授一菩薩記次當作佛號閻浮上如來阿難彼閻浮上如來復授一菩薩記次當作佛號尼拘陀如來阿難彼尼拘陀如來復授一菩薩記次當作佛號廣信如來阿難彼廣信如來復授一菩薩記次當作佛號救脫如來阿難彼救脫如來復授一菩薩記次當作佛號勝上如來阿難彼諸世尊多陀阿伽度阿羅訶三藐三佛陀各各次第轉相授記至於最後勝上如來我身悉皆供養承事爾時世尊而說偈言

彼等諸如來 釋迦大師子 以佛清淨眼 一切皆親見 如是如來智 不思議佛行 諸天諸人等

悉不能得知 因果及佛智 諸法顯現相 唯諸佛境界 凡夫不能知 所說諸佛名 顯現諸佛行

有大威德相 以佛眼普見 若有智慧人 當欲求菩提 應讀此佛名 不久得作佛

別同作蒞

是下元明俱無也字

爾時阿難白佛言世尊我曾聞佛金口所說聞已繫心憶持不忘所謂諸佛智無有礙無等等無障礙世尊如來實知如是智不爾時世尊告阿難言如來智慧具足了知是故知見無障無礙如來欲作境界寬狹念諸佛智分齊少多隨意皆得爾時阿難復白佛言世尊猶如尊者阿尼盧豆得淨天眼過於人眼如是尊者阿尼盧豆以淨天眼能得見於一千世界如來說言我見無邊此義云何佛時默然如是再問乃至過三然後方答佛告阿難汝莫以於聲聞智慧欲比如來何以故我今以於清淨天眼過於人眼見此東方恒河沙數佛刹之中諸菩薩等初發道心種諸善根或見東方恒河沙數諸佛刹中無量菩薩得受記別或見東方恒河沙數佛刹之中諸菩薩等行菩薩行或見無量諸菩薩等於諸佛邊修行梵行後得生於兜率天宮從兜率下入於母胎或見菩薩從母右脇誕育而生或見菩薩行童子法或見菩薩在於宮內示行欲法或見菩薩捨於轉輪聖王之位出家修道或見菩薩降四種魔或見菩薩菩提樹下證得阿耨多羅三藐三菩提或見菩薩得菩提已受解脫樂或見菩薩端坐息惟二種分別或見菩薩轉法輪時或見菩薩為諸衆生捨於壽命欲入無餘涅槃之時或見菩薩般涅槃後正法住世像法住世久近多少延促之時阿難我如是見東方佛刹恒河沙等諸佛成道及滅度後正法像法悉皆沒盡如東方刹南西北方四維上下亦復如是也爾時世尊告阿難言阿難我念往昔過於無量無邊阿僧祇不可數不可說劫是時有一轉輪聖王名曰善見降伏四方如法治世彼王所統悉皆豐樂不行鞭杖亦無殺害兵戈偃息如法化人阿難彼善見王所居住城名閻浮檀其城東西十

莊三本俱作端

鈞同作构下同

果宋元俱作菓
下同

彼諸三本俱作
於彼

欄同作簷

淨明作淨○檀
宋作壇

二由旬南北面各有七由旬阿難彼闍浮城清淨莊嚴殊特妙好悉用四寶之所莊飾黃金白銀頗梨琉璃其外別更有七重城彼城皆悉高於七尋各厚三尋而彼城頭周市皆有七重欄楯彼諸欄楯雕刻精麗殊妙少雙亦用四寶之所成就黃金白銀琉璃頗梨若黃金欄黃金鈞柱白銀窻臺若白銀欄白銀鈞柱黃金窻臺若頗梨欄頗梨鈞柱琉璃窻臺若琉璃欄琉璃鈞柱頗梨窻臺而彼七重一城內皆有七重寶多羅樹行列圍繞彼樹枝葉花果扶疎蒼鬱敷榮人所樂見其樹根莖皆是四寶黃金白銀頗梨琉璃金多羅樹金根金莖銀枝銀葉花果悉銀銀多羅樹銀根銀莖金枝金葉花果悉金若是頗梨為多羅樹頗梨根莖琉璃枝葉琉璃花果若是琉璃為多羅樹琉璃根莖頗梨枝葉頗梨花果彼多羅樹皆有羅網其羅網間悉懸寶鈴其諸鈴網皆七寶成所謂金銀琉璃車馬瑤瑚瑠頗梨彼諸城外有七重壘周市圍繞彼壘甚深八功德水湛然盈滿種種名花所謂優鉢羅花波頭摩花拘勿頭花分陀利花彌覆水上彼諸壘底皆是金沙彼壘岸邊周市皆有七寶羅網彌覆其上阿難彼闍浮城四面各有一十六門彼諸城門四寶所成黃金白銀頗梨琉璃金門銀扇銀門金扇若頗梨門琉璃為扇若琉璃門頗梨為扇彼諸城門各各皆有却敵樓櫺層閣飛欄垂珠羅網亦以七寶之所莊嚴微妙精奇人所喜見其諸城門皆有七重四寶門障安住不動發起開閉顯曜光明可愛可樂所謂金銀頗梨琉璃彼諸城門遠觀洞徹門若開時風自吹開門欲閉時風自吹閉彼七重障風若開時門相當悉皆通見門欲閉時風自吹閉七重門障溘然還遮阿難彼闍浮檀城之處中有一大池名曰歡喜彼池東西廣一由旬南北廣半由旬其池四岸四重塼壘彼塼端正微妙可喜四寶所成黃金白銀琉璃頗梨彼池四面皆有閣道而彼閣道端正可喜亦為四寶之所合成黃金白銀琉璃頗梨黃金閣道白銀階級白銀閣道黃金階級琉璃閣道頗梨階級頗梨閣道琉璃階級彼閣道上悉有却敵而彼却敵嚴飭可喜七寶所成黃金白銀車渠瑤瑤珊瑚琥珀及以琉璃彼池四邊皆有拘欄端正可喜亦皆四寶所共合成黃金白銀琉璃頗梨其池東面黃金拘欄其次南面白銀拘欄其次西面琉璃拘欄其次北面頗梨拘欄黃金拘欄黃金為柱白銀窻臺白銀拘欄白銀為柱黃金窻臺頗梨拘欄頗梨為柱琉璃窻臺琉璃拘欄琉璃為柱頗梨窻臺阿難彼歡喜池周匝圍繞有多羅樹七重行列彼樹間中悉有羅網七寶莊嚴其羅網間皆懸寶鈴多羅樹外有七重壘端正可喜然彼池中有種種花所謂優鉢羅花波

陀二本俱作地

鑪同作爐下同

希下同有有字
○世下同有問
字○已宋作之

頭摩花拘勿頭花分陀利花其池岸上有陸生花所謂瞻婆華阿陀目多華婆利師花提陀婆利師華彼歡喜池八功德水之所充滿諸鳥渴時皆得平飲彼池水底皆布金沙七寶羅網以覆池上彼妙羅網節節皆懸七寶之鈴阿難彼閻浮城街巷平整其街兩邊有多羅樹多羅樹間悉有羅網其羅網間節節皆懸七寶之鈴其七寶鈴微風吹動出妙音聲令人樂聞心生歡喜譬如人作五種音樂阿難彼閻浮城所有人民皆悉純直彼諸人民欲相娛樂更無別音聞彼鈴聲即便歡喜自然歌舞更不憶念其餘音樂阿難彼閻浮城常有種種微妙音樂所謂鍾鈴蠡鼓琴瑟笙篳篥筚篥笛簫琵琶等諸如是等種種音樂復有無量微妙鳥音所謂鸚鵡鸚鵡孔雀拘翅羅鳥命命鳥等無量無邊種種諸鳥皆出微妙殊異音聲無時暫息地上皆散種種妙華所謂優鉢羅花拘勿頭華波頭摩華分陀利花及諸陸地種種雜花阿難彼城無有苦惱逼切不如意事一切備悉無所減少是物豐饒飲食無乏衆味具足悉滿家居無有空地人民熾盛威德巍巍所住之城譬如北方毘沙門王阿羅迦城等無有異阿難時彼世中有一佛出名曰寶體多陀阿伽度阿羅訶三藐三佛陀十號具足阿難彼寶體佛未得道前作菩薩時常樂清淨彼城人民亦樂清淨時寶體佛居止側近閻浮檀城若於晨朝欲行乞食入於城邑聚落之中則有無量千萬諸天下來供養圍繞侍衛寶體如來欲入城時足按城門時彼城內所有人民皆悉為於諸天護持神通力故供養於彼寶體佛故掃除糞穢香湯灑地香泥塗地散雜香花滿於地上處處皆安妙好香鑪燒無價香張懸種種幡幢蓋等如是無量供養之具以用供養寶體如來爾時有一城外村人共城內人欲結婚娶來入城邑彼人見城端嚴殊妙世所希有從小已來眼所未覩心大驚怪問於城內居住人言此城今者欲作何事彼城內人報村人言此處有一如來出世名曰寶體多陀阿伽度阿羅訶三藐三佛陀不久欲入此城乞食以如是故灑掃莊嚴更復向於村人廣說如來功德無量無邊亦讚佛德多陀阿伽度阿羅訶三藐三佛陀十號具足如是復歎法寶有德如是復稱僧寶有德彼人聞於三寶功德心生歡喜踊躍無量作如是念寶體世尊多陀阿伽度阿羅訶三藐三佛陀希現於世我今可詣寶體佛所彼人內心作是念已即共城邑諸聚落人相將往詣寶體佛所至佛所已作如是念若如是如來得一切智見我心者應先共我語言慰喻時寶體佛知彼人心於先即共彼村人語時彼村人得彼如來於先語已心生歡喜踊躍無量既滿其願即請如來後日施食時佛默然受

諸元明俱作請

摩明作詳下同

盤三本俱作漿
持元明俱作捨
○彼同作寶
○彼同作此

彼人請時彼村人得於如來受已請已復生歡喜速向自家具辦飲食時四天王及梵釋等諸天大眾實持種種天諸
 供具來獻如來時彼村人至於自家其夜辦具種種美食滄嗽舐味可食之味辦具已訖起明清旦於家地上掃除清
 淨香泥塗地以妙香水重灑其上復散種種雜妙好花敷置床座即遣使人往白佛言如來若知時節至者願赴我家
 時寶體佛於晨朝時著衣持鉢與千億衆聲聞比丘前後圍繞至受請家到彼家已諸比丘等各隨大小依次而坐時
 彼村人見寶體佛安坐已訖即將種種妙好飲食自手擎持以奉如來白言世尊唯願諸佛及比丘僧隨意飽食及諸
 大眾受食訖已食不可盡彼人思念此百味食既不可盡必是如來威神德力令使充溢餘食既多我今可喚所看如
 來白衣人衆布施此食皆食飽滿然後我心得大歡喜復生此念希有希有不思議法此寶體佛威德力大令我春賜
 不喚自來佐助於我我亦不曾借倩一人又我亦復不用多功衆事一時皆得辦具時寶體佛飯食訖已為彼村人如
 應說法使其歡喜生希有心安置彼人於正法中及彼大眾皆聞說法悉各歡喜或得道者乃至起還歸向本處時彼
 村人聞寶體佛說法教化聽受法已歡喜踊躍心發私誓作如是言願我未來如似寶體如來所得一切諸法我皆具
 足又願我於大眾之中如是說法令一切人歡喜信受如今世尊寶體如來將比丘衆安摩而行一種無異時彼村人
 供養如來具足尊重恭敬心已隨佛向寺剃除鬚髮捨俗出家得成比丘時彼寶體如來住世為諸衆生說法已訖入
 般涅槃涅槃之後無量無邊天人衆等闍維佛身復將無量供養之具於闍維所而設供養時彼比丘既聞如來入般
 涅槃生大憂惱作如是念我今可往至闍維所若至彼處應得異法是時比丘速疾往詣彼闍維所到彼處已即得異
 寶初得之時謂彼珍寶不甚清淨少有塵垢爾時比丘細刮拭看即知清淨真琉璃寶價數直於百千萬金彼摩尼寶
 安置之處晝夜無異夜如日現一切房舍一切院落皆悉光明是時天人收彼寶體佛舍利已起造於塔時彼比丘亦
 生心念我今可以此摩尼寶安置淨圖承靈盤上作於寶瓶生此念已至於塔所至彼所已作如是念我此摩尼寶珠
 價直百千萬金我今以是摩尼寶珠安於塔上為彼如來是我之師是故我今持此摩尼寶置於塔上彼摩尼寶光明照
 於彼塔之上無量千歲而彼比丘復然無量種種燈明足滿千年供養彼塔恭敬尊重滿千年已心常不捨念佛三昧
 彼比丘持清淨戒故加復供養如來塔故以是因緣命終之後在生死中無量無邊百千萬世受於人天福樂報不

授宋元俱作受

主宋作王

幡幢三本俱作
幡幢

旃明作栴

曾墮於惡道中阿難時彼比丘過於百千無量無數阿僧祇劫復值一佛出現於世號曰能作光明如來時彼比丘
 供養於佛修持禁戒梵行清淨出家如前復發此心願我未來藉此功德生生世世莫生惡道時作光佛知彼比丘心
 所願已即與授記語言仁者汝於來世過於百千無量無數阿僧祇劫當得作佛多陀阿伽度阿羅訶三藐三佛陀號
 曰然燈彼然燈佛作菩薩時於末後身生兜率天從兜率天降神來下從右脇入託於母胎住居十月滿十月已一心
 正念欲生之時放於光明照彼佛剎皆悉遍滿爾時菩薩既將欲生其母謬王智者主言大王當知我意欲往園林之
 內遊戲觀看王聞夫人如是語已即出勅告城內大臣及諸豪富長者居士商賈人言我今夫人欲出園林觀看遊戲
 汝等當家可各莊嚴城內街衢悉令清淨所有穢惡瓦礫糞穢並宜除却辦具香湯灑散於道香泥塗地以妙香華布
 散其上處處安置妙寶香罇燒衆名香又復安置種種寶瓶盛諸香水著好淨花優鉢羅華波頭摩華拘勿頭花分陀
 利華置於瓶內處處安置芭蕉之樹隨芭蕉樹大小高下各懸雜色種種幡幢其諸幡幢衆色間雜其幡樹內復各垂
 於七寶網羅真珠瓔珞網羅節目悉有寶鈴若夜淨天星辰出現又於處處悉各施懸衆寶明鏡猶如日月或懸種種
 雜色流蘇或處處垂金銀寶帶彼城街巷如是種種精麗莊嚴等彼天神健闍婆城一種無異時王夫人共千左右乘
 寶輦聳仗樂引導種種音聲前後圍繞填滿街巷從宮殿出四面觀看安庠而行威德特尊勢力廣大處在衆中無與
 比者向彼園林既到園林漸趣河岸至河岸已即上於船遊入河中至中流已忽然自有一大燈明上下縱廣十二由
 旬其燈明內有莎草叢高下四指其色艾白柔輭猶如迦耶隣提出妙香氣又如瞻婆波利師華其園林內出種種華
 及種種果種種樹木天上人間所有樹木名華美果悉滿此園時菩薩母仰觀虛空安庠右手攀引樹枝枝即垂下時
 王夫人即以右手捉於樹枝從右脇間出一童子端正可憐名曰然燈自然而合手十指掌童子生時放大光明照彼
 佛剎皆悉充滿天上即雨無量諸花所謂曼陀羅花摩訶曼陀羅華曼殊沙華摩訶曼殊沙華優鉢羅華波頭摩華拘
 勿頭華分陀利花又雨無量旛幢散香充滿遍布十二由旬復雨種種無量無邊天諸伎樂不鼓自鳴又出無量歌讚
 音聲音聲之內言辭唱云無量作燈明無量作燈明是彼菩薩瑞應之號故稱然燈爾時然燈菩薩大士諸根具足相
 好圓滿無所乏少日日長大在於樓上受五欲樂然彼童子受五欲時雖復歡樂忽自生念世間愛欲虛幻暫時須臾

經
 佛本行集經第二
 八
 三七七